

stantissimè, quod cum nemini, qui Ecclesiasticam hi-
storiam primoribus tantum labris gustavit, ignotum
esse possit, probatione nulla indiget. *Veterem & melio-
rem consuetudinem humandi frequentamus*, inquit *Minutius
Felix in Octavio*, qui Dialogus perperam septem libris
Arnobij contra Gentes veluti octavus adjungi solebat,
monente Bellarmino de Scriptor: Eccles: ad an. 206. in
Min. Fel: Tanti autem majores nostri fecere sepulturam,
ut eorum causa, sicut ad pauperes alendos, aut ad captivos
redimendos vasa Ecclesiae etiam initiata conflare, aut
vendi licite existimaverint, referente S. *Ambrosio de Offi-
ciis libro II. cap. 28.* Quae verò occasio & finis moris hujus *II. Sepultu-
introducendi fuerit, ut de mortuorum corpora humo ra causa si-
tegerentur, operae pretium erit, inquirere. Moschion, nales.*
ut refert *Hugo Grotius de jure Belli ac Pacis Lib. II. cap. XIX.
num. 2.* existimat occasionem datam ex gigantea feritate
mandandi homines, cujus abolitae signum sepulturam.
Rectius dicitur, ipsam naturam humanam conditionem
admonuisse homines, ut corpus ex animae terrae, unde
ortum traxit, redderent. Et sic sponte solverent debi-
tum, quod alioqui vel ab invitis repetit natura. Ita e-
nim edixerat DEUS Adamo *Gen. III. 19. Terra es & in terram
reverteris.* Ex quo desumptum illud *Eccles: XII. 9. Redi-
bit pulvis in terram, quemadmodum fuerat.* Hinc pia anti-
quitas; *Terra es, terram geris, terram teris, in terram con-
verteris.* Rabbini hac de re ita pro more loquantur, ut in-
quit *Besoldus Consideratione Politica de vita & morte lib. III.
cap. 1.* Corpus linquitur in potestate Daemonis, de quo
dictum est in Scriptura; *Terram comedas omnibus die-
bus. & alibi: Pulvis terrae panis ejus.* lobus verae patien-
tiae vivum exemplar, cap. I. v. 12. *Nudus egressus sum, in-
quit, ex utero matris meae (qui תחתית ארץ infimae partes
A 3, terra*